

Ижтимоий соҳа статистикаси бўлими тўғрисида НИЗОМ

I. Умумий қоидалар

1. Ижтимоий соҳа статистикаси бўлими (кейинги ўринларда Бўлим деб аталади) Қорақалпоғистон Республикаси статистика бошқармасининг таркибий бўлинмаси ҳисобланади.

2. Бўлим Ўзбекистон Республикаси Президентининг 2017 йил 31 июлдаги “Ўзбекистон Республикаси Давлат статистика кўмитаси фаолиятини такомиллаштириш чора-тадбирлари тўғрисида”ги ПҚ-3165-сон қарорига мувофиқ ташкил этилган ва Қорақалпоғистон Республикаси статистика бошқармасининг (кейинги ўринларда бошқарма деб аталади) таркибий бўлинмаси ҳисобланади.

3. Бўлим фаолияти ривожланишнинг миллий ва минтақавий хусусиятларини ҳисобга олган ҳолда илмий методологияга, халқаро стандартлар ва қоидаларга асосланган, давлат ҳокимияти ва бошқарув органлари, хўжалик юритувчи субъектлар, фуқаролар ва ташкилотларнинг расмий статистика ахборотларига бўлган эҳтиёжини қондирувчи ахборот-статистика тизимининг самарали фаолият кўрсатишини таъминлашга йўналтирилган.

4. Бўлим ўз фаолиятида Ўзбекистон Республикаси Конституциясига, Ўзбекистон Республикасининг “Давлат статистикаси тўғрисида”ги қонуни ва бошқа қонунларига, Олий Мажлиснинг норматив қарорларига, Ўзбекистон Республикаси Президенти фармонлари, қарорлари ва фармойишларига, Вазирлар Маҳкамаси қарорлари ва фармойишларига, “Қорақалпоғистон Республикаси статистика бошқармаси тўғрисида”ги Низомга ҳамда мазкур Низомга, шунингдек бошқа қонун ҳужжатларига амал қилади.

5. Бўлим ўз фаолиятини бошқарманинг бошқа бўлимлари ва ҳудудий статистика органлари билан ўзаро ҳамкорликда амалга оширади.

6. Бўлим ўз фаолиятини Қорақалпоғистон Республикаси статистика бошқармаси бошлиғи раҳбарлигида амалга оширади.

7. Бўлим ўз ваколатига кирувчи масалалар бўйича Қорақалпоғистон Республикаси статистика бошқармаси бошлиғининг ўринбосарига бўйсунди.

II. Бўлимнинг асосий вазифалари ва функциялари

8. Қуйидагилар бўлимнинг асосий вазифалари ҳисобланади:

республикада ижтимоий соҳасида содир бўлаётган ижтимоий-иқтисодий жараёнларни кузатиш ва расмий статистика кўрсаткичларини шакллантириш;

ижтимоий соҳа статистикаси соҳасида республиканинг миллий хусусиятларини инобатга олган ҳолда, жаҳон стандартлари ва қоидаларига мос келадиган, илмий асосланган услубиётни ишлаб чиқишда ўз таклифларини бериш ва амалиётга тадбиқ этиш;

ижтимоий соҳа статистикаси ахборотларини тайёрлашда статистика кўрсаткичларининг ишончилиги, ҳаққонийлиги, тезкорлиги ва тизимлилигини таъминлаш;

ижтимоий соҳа статистикаси ахборотларини йиғиш, қайта ишлаш, тақдим этиш, умумлаштириш ва сақлаш тизимини такомиллаштириш;

Республиканинг асосий макроиктисодий кўрсаткичларини ҳисоблаш учун зарур бўлган ижтимоий соҳа статистикаси кўрсаткичларини тайёрлаш;

Давлат статистика ишлари дастурида белгиланган вазифаларни бўлим фаолиятига тегишли қисмларини тўлиқ ва сифатли бажарилишини таъминлаш.

Қорақалпоғистон Республикаси статистика бошқармасининг иш режаларини ўз вақтида шакллантирилишида иштирок этиш;

ижтимоий соҳа статистикаси бўйича амалга ошириладиган давлат ва идоравий статистика кузатувлари тизимини такомиллаштириш бўйича таклифлар тайёрлаш, идоравий статистика кузатувлари шакллариини ишлаб чиқиш ва келишиш чораларини кўриш;

ижтимоий соҳа статистикаси бўйича Давлат статистика ишлари дастурини, Давлат статистика ишларини ишлаб чиқариш дастурини, методологик ва ташкилий ишлар режа-жадвалларининг бажарилишини таъминлаш;

ижтимоий соҳа бўйича статистика ахборотларини йиғиш, қайта ишлаш, сақлашнинг электрон тизимини такомиллаштириш;

ижтимоий соҳа статистикасига оид давлат статистика ҳисоботларини электрон кўринишда, зарур ҳолларда қоғоз кўринишида йиғишни, рўйхатдан ўтказишларни, бир марталик ҳисобга олишларни, сўровларни ва бошқа кузатувларни ташкил этиш;

ижтимоий соҳа статистикаси бўйича мамлакатдаги ижтимоий ҳодиса ва жараёнларнинг дастлабки статистик таҳлилини олиб бориш;

хўжалик юритувчи субъектларга ижтимоий соҳа статистикаси бўйича ишончли давлат статистика ҳисоботларини тақдим этишда ҳар томонлама кўмаклашишни таъминлаш;

ижтимоий соҳа статистикаси бўйича статистика, ҳисобот кўрсаткичларининг ва ўтказилган танланма кузатувлар натижаларининг тезкорлиги, ишончилиги ва холислигини, статистик ахборотларнинг қулайлиги, очик-ойдинлиги ва ошқоралигини кенгайтириш бўйича чора-тадбирларнинг амалга ошириш;

ижтимоий соҳа статистикаси бўйича олинган статистика маълумотларининг махфийлигини, бирламчи ҳисобот маълумотларидан юридик шахсларнинг фаолиятини, бошқа хусусиятларини ёки миқдор кўрсаткичларини расмий тасдиқлаш мақсадида фойдаланишга йўл қўймасликни, давлат сирларига эга бўлган статистика маълумотларининг ҳимоя қилинишини таъминлаш;

оммавий ахборот воситаларида жойлаштириш учун ижтимоий соҳанинг ривожланиш тенденцияларини тавсифловчи таҳлилий маълумотлар ва докладлар тайёрлаш;

ижтимоий соҳа статистикасини тавсифловчи статистик ахборотларни тезкор ва сифатли тайёрлашни амалга ошириш;

барча фойдаланувчиларга ижтимоий соҳа статистикаси бўйича очиқ статистик маълумотлардан фойдаланиш учун тенг имкониятларни таъминлаш;

фойдаланувчиларга ижтимоий соҳа статистикаси оид статистика кузатувлари ва расмий статистика ахборотлари масалалари бўйича ахборот-тушунтириш ишларини олиб бориш;

9. Бўлим ўз зиммасига юкланган вазифаларга мувофиқ қуйидаги функцияларни амалга оширади:

ижтимоий соҳа статистикаси ахборотларини тайёрлаш бўлимининг ўзига юклатилган вазифа ва функцияларини самарали амалга ошириш бўйича фаолиятини ташкил этади ва мувофиқлаштиради;

ижтимоий соҳа статистикаси соҳасидаги давлат статистикаси ҳисоботларини, уларни тўлдириш бўйича тушунтиришлар ишлаб чиқади ва такомиллаштиради;

ижтимоий соҳа статистикаси ҳисоботлари асосида расмий статистика маълумотлар базасини яратиш ва ягона ахборот ҳудудини ташкил этиш ишларини амалга оширади;

статистика тўпламлари ва маърузаларга ижтимоий соҳа статистикасига оид маълумотларни тайёрлайди;

раҳбарият топшириқлари асосида ижтимоий соҳа статистикасига оид бир марталик маълумотларни тайёрлайди;

Бўлим ваколатига кирадиган масалалар бўйича тизимлаштирилган электрон маълумотлар базасининг яратилиши ва юритилишини, унинг мунтазам равишда тўлдирилиб ва янгиланиб борилишини таъминлайди;

Бўлимга тегишли методология, иқтисодий, ташкилий ва статистика ишлари режасини тузиш ва белгиланган муддатларда уларни бажарилишини таъминлайди.

10. Бўлим ўзига юклатилган вазифалар ва функцияларни тўлиқ, ўз вақтида ва сифатли бажарилишини Ўзбекистон Республикаси Президенти ва Вазирлар Маҳкамаси томонидан белгиланган иқтисодиётнинг энг муҳим устивор йўналишларини, иқтисодий ислохотларни янада чуқурлаштириш, таркибий ўзгартириш ва диверсификация қилиш бўйича ишлаб чиқилган дастурларда белгиланган вазифаларни ҳамда мамлакатдаги ижтимоий ва иқтисодий ривожланишнинг тенденциясини (ҳолатини) ҳисобга олган ҳолда таъминлайди.

Қорақалпоғистон Республикаси статистика бошқармаси ишларини ишлаб чиқариш дастуридаги ижтимоий соҳа статистикаси бўйича белгиланган ишларнинг тўлиқ ва муддатларида бажарилишини таъминлайди;

жисмоний ва юридик шахсларнинг мурожаатларини, шу жумладан, электрон шаклда келиб тушган мурожаатларнинг тегишли қисмини кўриб чиқади ва улардаги

масалаларни ҳал қилиш бўйича, зарур ҳолларда жисмоний ва юридик шахсларнинг вакиллари иштирокида, таклифлар тайёрлайди;

ижтимоий соҳа статистикаси соҳасидаги ижтимоий-иқтисодий ҳодисалар, жараёнлар ва уларнинг натижалари тўғрисидаги статистика ахборотларини йиғади, қайта ишлайди, умумлаштиради, дастлабки статистик таҳлилни амалга оширади ва эълон қилади;

ижтимоий соҳа статистикаси бўйича кўрсаткичларнинг ишончлилиги, холислигини ва комплекслилигини таъминлайди;

давлат органларини, юридик шахсларни, халқаро ташкилотларни ва аҳолини ижтимоий соҳа статистикасига оид статистика ахборотлари билан белгиланган тартибда таъминлайди;

Бўлим белгиланган тартибда ўзига юклатилган бошқа функцияларни ҳам амалга оширади.

III. Бўлимнинг ҳуқуқлари ва жавобгарлиги

11. Бўлим ўзига юкланган вазифалар ва функцияларни бажариш учун қуйидаги ҳуқуқларга эга:

ижтимоий соҳа статистикаси самарадорлигини ошириш ва бошқа масалалар бўйича республика статистика бошқармаси раҳбариятига таклифлар киритиш;

республика статистика бошқармасининг бўлимларидан, шунингдек ҳудудий статистика органларидан ўзига юкланган вазифалар ва функцияларни бажариш учун зарур материаллар ва маълумотларни белгиланган тартибда сўраш ва олиш;

статистик кузатувларни ташкил этиш фаолиятини мувофиқлаштириш;

Бўлим ваколатига кирадиган масалалар бўйича бўлимлар билан ҳамкорликда ишларни ташкил этиш.

ижтимоий соҳа статистикаси бўйича давлат ва хўжалик бошқаруви органларидан, фуқароларнинг ўзини ўзи бошқариш органларидан, бошқа юридик шахслардан (зарур ҳолларда – уларнинг ваколатхоналари ва филиалларидан) белгиланган тартибда давлат статистика ҳисоботини олиш ҳамда ундан статистика мақсадларида фойдаланиш;

давлат статистика кузатуви шакллари ўзгартириш ва уларни тақдим этиш тартиби, давлат статистика кузатувларини ўтказиш усуллари, давлат ва хўжалик бошқаруви органларининг идоравий статистик кузатув шакллари бўйича таклифлар бериш;

ижтимоий соҳа статистикаси соҳасидаги давлат статистика маълумотларида бузилишлар аниқланган тақдирда, уларни бартараф этиш бўйича кўрсатмалар бериш ва йиғма давлат статистика маълумотларига тегишли тузатишлар киритиш;

Бўлим фаолиятига тегишли масалалар бўйича семинарлар ва йиғилишларда иштирок этиш;

12. Бўлим статистиканинг ягона илмий услубиётига асосан статистик маълумотларни тартибга солиш ва уларнинг сифатини ошириш учун, бўлим ваколатига кирадиган статистик, таҳлилий ва бошқа маълумотларнинг савияси учун жавобгар бўлади.

13. Бўлим бошлиғи ва ходимлари Ўзбекистон Республикаси Президенти ва Вазирлар Маҳкамаси томонидан белгиланган энг муҳим устивор вазифалар ва замонавий талаблардан келиб чиқиб, шунингдек Ўзбекистон Республикаси “Давлат статистикаси тўғрисида”ги Қонуни, Вазирлар Маҳкамасининг 2003 йил 8 январдаги 8-сонли қарори билан тасдиқланган Қорақалпоғистон Республикаси статистика бошқармаси тўғрисидаги Низоми, ҳамда ушбу низомда белгиланган вазифалар, функциялар, мажбуриятларни тўлиқ, ўз вақтида ва сифатли амалга оширилиши, ўзига берилган ваколатлар, ҳуқуқлардан қонун ҳужжатларига мувофиқ фойдаланилиши учун жавоб берадилар.

14. Бўлим қуйидагилар учун жавоб беради:

ўзига юкланган вазифаларни самарали ва лозим даражада бажариш;

ваколатига кирувчи таҳлилий ва бошқа материалларни юқори даражада тайёрлаш;

Бўлим ходимлари томонидан белгиланган норматив-ҳуқуқий ҳужжатларга мувофиқ ижро интизомини таъминлаш.

IV. Бўлимнинг тузилмаси

15. Бўлим тузилмаси бўлим бошлиғи, бўлим бош мутахассиси ва етакчи мутахассисдан иборат.

16. Бўлим фаолиятига бўлим бошлиғи раҳбарлик қилади.

17. Бўлим бошлиғи ва мутахассислари республика статистика бошқармаси бошлиғи томонидан лавозимга тайинланади ва лавозимдан озод қилинади.

18. Ижтимоий соҳа статистикаси бўлими қуйидагиларни амалга оширади:

республика ва ҳудудларнинг ижтимоий соҳада эришаётган ютуқлари ва жамият томонидан кўпроқ талаб қилинаётган статистик маълумотларни бошқарманинг расмий веб сайтыда жойлаштириб бориш, улар бўйича диаграмма ва графиклар тайёрлаш амалиётини кенгайтириш;

статистик маълумотларни чоп этишда кўрсаткичларни намойиш қилишнинг илғор тажрибаларни (тоифалаштирилган графиклар, маълумотлар қамровини кенгайтириш, инфографика ва бошқалар) тадбиқ этиш;

19. Нотижорат ташкилотлари фаолияти, маданият ва туризм соҳаларида статистик кузатувларни амалга оширади:

Статистик кузатувлар тизимини нотижорат ташкилотлар фаолияти, маданият ва туризм соҳаларини қамраб олишни кенгайтиришга қаратилган статистик маълумотларни йиғиш, қайта ишлаш, сақлаш, умумлаштириш, таҳлил қилиш ва чоп этиш;

замонавий ахборот технологияларидан фойдаланган ҳолда, нотижорат ташкилотлари фаолияти, маданият ва туризм соҳалари статистикаси асосий кўрсаткичларининг такомиллаштирилган маълумотлар базасини юритиш.

20. Таълим, соғлиқни сақлаш, фан ва инновация соҳаларида статистик кузатувларни амалга оширади:

Статистик кузатувлар тизимини таълим, соғлиқни сақлаш, фан ва инновация соҳаларини қамраб олишни кенгайтиришга қаратилган статистик маълумотларни йиғиш, қайта ишлаш, сақлаш, умумлаштириш, таҳлил қилиш ва чоп этиш;

замонавий ахборот технологияларидан фойдаланган ҳолда, таълим, соғлиқни сақлаш, фан ва инновация соҳалари статистикаси асосий кўрсаткичларининг такомиллаштирилган маълумотлар базасини юритиш.

V. Бўлим фаолиятини ташкил этиш

21. Бўлим фаолияти Ўзбекистон Республикасининг “Давлат статистикаси тўғрисида”ги қонунига, ушбу Низомга, республика статистика бошқармаси буйруқлари ва қарорларига, шунингдек Давлат статистика ишлари дастури, Давлат статистика ишларини ишлаб чиқариш дастури, республика статистика бошқармасининг I ва II ярим йиллиги учун иш режалари, Ижтимоий соҳа статистикаси бўлимнинг йиллик иш режаси, ходимларнинг лавозим вазифалари асосида ташкил этилади.

Бўлим ходимларининг лавозим вазифалари бошқарманинг ўринбосари билан келишилади ва бошқарма бошлиғи томонидан тасдиқланади.

Юклатилган вазифалар ва функцияларни амалга ошириш бўйича бўлим фаолияти самарадорлигининг доимий мониторинги, Давлат статистика ишларини ишлаб чиқариш дастурини ва Қорақалпоғистон Республикаси статистика бошқармаси раҳбарияти топшириқларини электрон ҳужжат айланиши тизимида ўз вақтида бажарилишини назорат қилиш, шунингдек бўлим томонидан бажарилган режадаги ва режадан ташқари ишлар тўғрисида бўлимнинг ойлик ҳисоботини тузиш орқали ташкил этилади.

22. Бўлим фаолиятига бўлим бошлиғи раҳбарлик қилади. Бўлим бошлиғи республика статистика бошқармаси бошлиғи томонидан лавозимга тайинланади ва озод қилинади.

23. Бўлим бошлиғи:

Бўлимнинг бутун фаолиятига раҳбарлик қилади, Ижтимоий соҳа статистикаси ахборотларини тайёрлашда бўлим ишларини ташкиллаштиради, бўлим ходимлари ўртасида вазифаларни тақсимлайди ва уларнинг ишини мувофиқлаштиради, бўлимга юкланган вазифалар ва функцияларнинг бажарилиши, ижро ва меҳнат интизоми ҳолати учун шахсан жавоб беради;

Бўлим фаолиятининг самарадорлигини ошириш ва уни кадрлар билан тўлдириш чораларини кўради;

қўйилган вазифалар, келиб тушган ҳужжатларни назорат қилиш ва ишда тажриба алмашиш масалалари бўйича бўлим ходимлари билан конструктив йиғилишлар ўтказиши;

иш юритишни олиб бориш, топшириқларнинг ўз вақтида бажарилишини қатъий назорат қилиш бўйича ишларни ташкил этади, ходимларнинг ишга оид ҳужжатлар билан ишлаш ва уларни сақланиши бўйича белгиланган тартибга риоя қилишларини таъминлайди;

Бўлим бошлиғи йўқ бўлган пайтда унинг вазифаларини бўлим бош мутахассиси бажаради.

Давлат статистика кўмитаси ва бошқарманинг иш режаларида кўзда тутилган масалаларни ўрганилишини ва чора-тадбирларнинг амалга оширилишини таъминлайди;

бўлим мутахассислари томонидан маълумотнома, таҳлилий, статистик ва бошқа материалларнинг, шунингдек бўлимга юкланган вазифалар бўйича маълумотларнинг сифатли ва ўз вақтида тайёрланишини ташкил қилади;

бўлимга юкланган масалалар бўйича Ўзбекистон Республикаси қонунлари, Ўзбекистон Республикаси Президентининг фармонлари, қарорлари ва фармойишлари, Вазирлар Маҳкамасининг қарорларини амалга ошириш юзасидан норматив-ҳуқуқий ҳужжатлар, ташкилий чора-тадбирлар ёки назорат режаларини тайёрлаш ва тасдиқлаш бўйича ишларни мувофиқлаштиради;

бўлим ишларининг самарадорлиги даражасини ошириш, иш услуби ва методларини, уни ташкил қилишни яхшилаш, ҳисобот, ижро ва меҳнат интизомини мустаҳкамлаш бўйича чора-тадбирларни амалга оширади;

ходимлар томонидан давлат ва тижорат сирига риоя қилинишини ҳамда бўлимга кирувчи материалларни ва бўлимдан чиқувчи материалларнинг нусхаларини сақланишини таъминлайди;

бўлим ваколатига кирувчи масалаларни муҳокама қилишда идоралар, корхоналар ва ташкилотларда республика статистика бошқармаси манфаатларини ифодалайди;

бўлим ваколатига кирувчи масалалар бўйича жисмоний ва юридик шахсларнинг муурожаатларини, шу жумладан электрон шаклда келиб тушган муурожаатларни кўриб чиқилишини (зарур ҳолларда жисмоний шахслар ва юридик шахсларнинг вакиллари иштирокида) ташкил қилади, уларда кўрсатилган масалаларни ҳал қилиш бўйича таклифлар тайёрлайди ва республика статистика бошқармаси раҳбариятига киритади;

вазифалар тақсимланишига мувофиқ бошқа функцияларни амалга оширади.

24. Бўлим бошлиғи қўйидаги ҳуқуқларга эга:

ходимларни бошқа лавозимларга кўрсатиш, ўтказиш ва рағбатлантириш, зарур ҳолларда жазолаш чорасини қўллаш тўғрисида Қорақалпоғистон Республикаси статистика бошқармаси раҳбариятига таклифлар киритиш;

Бўлим ишини ташкил этишни, усули ва услубини яхшилаш, ҳисобот, ижро ва меҳнат интизомини мустаҳкамлаш бўйича чора-тадбирлар ишлаб чиқиш;

бошқарманинг биринчи ўринбосари билан келишилган ҳолда бўлим ходимларининг лавозим вазифаларини тасдиқлаш;

ходимларининг лавозим маошларига шахсий устамалар белгилаш, шунингдек аввалги ўрнатилган устамаларни камайтириш ёки бекор қилиш бўйича республика статистика бошқармаси раҳбариятига таклифлар киритиш;

республика статистика бошқармаси раҳбарияти томонидан ўтказиладиган йиғилишларда қатнашиш;

Бўлим ваколатига кирадиган масалаларни муҳокама қилишда идора ва ташкилотларда Қорақалпоғистон Республикаси статистика бошқармаси номидан қатнашиш.

25. Бўлим бош мутахассиси:

функционал вазифаларига мувофиқ маълумотлар, таклифлар ва ҳужжатларнинг сифатли, ишончли ва ўз вақтида тайёрланиши учун шахсан жавоб беради;

тегишли функционал масалалар бўйича статистик инструментарийнинг тизимлаштирилган электрон маълумотлар базасининг юритилишини, уларнинг доимий равишда тўлдирилишини ва янгиланишини таъминлайди;

функционал вазифаларига кирувчи масалалар бўйича бошқарманинг бўлимларига ва ҳудудий статистика органларига маслаҳат ёрдами кўрсатади;

ҳудудий статистика органлари фаолиятини комплекс ва мақсадли ўрганишларда иштирок этади;

раҳбариятнинг топшириқларига мувофиқ жорий ишларни бажаради;

касбий малака даражасини тизимли равишда ошириб боради;

жамоанинг меҳнат фаолиятига фаол иштирок этади;

вазифалар тақсимланишига мувофиқ бошқа функцияларни амалга оширади.

26. Бўлим етакчи мутахассиси:

давлат статистика ҳисобот шакларини маълумотларини йиғиш, умумлаштириш, таҳлил этишда иштирок этади;

ижтимоий соҳа статистикаси бўйича динамик қаторларни юритади;

ижтимоий соҳа статистикасига оид дастлабки маълумотларни йиғади, таҳлил этади ва умумлаштиради;

ижтимоий соҳа статистикаси бўйича статистик тўпламлар учун маълумотлар тайёрлашда иштирок этади;

раҳбарият топшириқлари ижросини таъминлайди.

вазифалар тақсимланишига мувофиқ бошқа функцияларни амалга оширади.